

Agencije PLIP-a pozivaju nadležne organe vlasti da ispune svoje obaveze propisane imovinskim zakonima

Agencije koje su angažirane na realizaciji Plana za provedbu imovinskih zakona – OHR, UNMiBH, OSCE, UNHCR i CRPC (PLIP) izražavaju svoje razočarenje nedavnim izjavama Federalnog ministra za prostorno planiranje i okoliš, Ramiza Mehmedagića, koje se odnose na implementaciju imovinskih zakona. Posebno, njegova preporuka da se deložacije privremenih korisnika koji imaju pravo na alternativni smještaj obustave na određeni period, je u suprotnosti sa zakonom i vodi Federaciju u pogrešnom pravcu. To je nedopustivo.

PLIP je prije mjesec dana uputio pismo u vezi s ovim pitanjem ministru Mehmedagiću, Ministarstvu za socijalnu politiku, izbjeglice i raseljene osobe FBIH, svim kantonalnim premijerima, ombudsmenima Federacije (pismo sličnog sadržaja upućeno je i organima vlasti u RS). Iskreno žalimo što je ministar Mehmedagić odlučio zanemariti to pismo, kojim se organi vlasti u Federaciji podsjećaju na svoju obavezu da osiguraju dovoljna budžetska sredstva za alternativni smještaj, kao i efikasno trošenje tih sredstava. Uz nekoliko značajnih izuzetaka, kantoni i općine još uvijek nisu započeli iskorištavati jeftine opcije za alternativni smještaj. Kada su u pitanju samo stanovi za koje nije podnesen zahtjev za povrat, procjenjuje se da su zbog korupcije i neefikasnosti izgubljene hiljade stambenih jedinica za alternativni smještaj.

U prilogu pisma upućenog ministru Mehmedagiću i njegovim

kolegama nalazio se spisak od preko 80 lokalnih mogućnosti za jeftini alternativni smještaj u mjestima širom Federacije. Na spisku su bile pogodne zgrade koje zahtijevaju manje opravke, državni hoteli, kasarne koje se ne koriste, kao i prijedlozi za jeftine strategije kao što je iznajmljivanje privatnih kuća koje se ne koriste. I dok se ne iskoristi slobodni i raspoloživi jeftini alternativni smještaj u Federaciji, nadležni organi vlasti moraju preuzeti krivicu za vlastite neuspjehe umjesto da je prebacuju na izbjeglice i raseljene osobe.

Lokalni organi vlasti više ne mogu odlagati ispunjavanje svojih pravnih obaveza da pronađu i osiguraju alternativni smještaj osobama koje na to imaju pravo u skladu sa zakonom. Odlaganje deložacija je neprihvatljivo i moraju se odbaciti sve preporuke u tom pravcu.